


ELYO KUZWA KUCIINDI ECIYA

 Ncibotu ncobeni kujokela a kumvwa mukwesu, mweembeli, kupa bumboni bwa luzyalo lwa Leza, a musimbi wakwe muniini. Eco cili buyo mbuli Mwami Jesu, kucita zintu mbuli ezyo. Ncamasimpe mbocibede.

² Lino, tuli kkomene kapati, sunumasiku, kuba andiswe, umwi wa beenzu besu awa ku i, mbuli mbo tu ciita, mulimo wa mipailo aa busiku bwa Mwaka Mupya, mweenzuma wangu mubotu, Mukwesu Ernie Fandler, umwi wa basanduki ku Mwami Jesu Kristo, icilumbo ca luzyalo. Kutalika muunzi wakwe mu Switzerland, nko nkuko nkwa kazwida. Elyo Ndila syoma, mukwesu a nguwe alya, kwalo bakkala mu Shawano lino, mukowa waku Germany, Mukwesu Waters. Tuli kkomene kuba ambabo sunumasiku.

³ Mpawo tuli jisi, akwalo, a ndiswe sunu masiku, i—i mukwesu muyandisi wa lusyomo, South Africa, Mukwesu David duPlessis. Tuli kkomene kuba a nguwe andiswe, aswebo. Elyo tuli, David a Ndime, bali—bali mukulangila, bali mukukomba, mu Mwami, ku tupa mulimo mupati antoomwe, mwaka oyu uboola, mu Africa a zibeela zyandeene zya inyika. Mukwesu David nkwali lino ku cibandika kumanizya, a ku cikombela, akati ka lino amu Muvulo, kusala cindi a busena, mu ku—ku Africa, a zibeela zyandene zyanyika zya kuunka. Mbuli, Mukwesu David mbwa kajisi ofesi yakwe mpati a Muswaangano wabaiminzi ba Pentekoste mu Inyika yonse, alimwi akwalo basololi banji bapati babukombi bazizilwe ku inyika mbiizulwa. Elyo wakali mukoongelezya loko mu kusungilizya a kucitya, kuciimo mbuli mbo tubede lino, ku kugwasya kuleta Mubili wa Jesu Kristo antoomwe, wa tubungwe toonse twa lusyomo. Kutalanganya eco (balo) mbungano njoba jisi, na eco (balo) cidinto ncoba simbidwe. Yalo njeeyo, Mbungano, Eyo Kristo nja kafwida.

⁴ Elyo Nda kaciyeeya eco kanji. Kali kugwasya kuyobolola ng'ombe, ziindi zinjji, kumasena a Kumbo. Twa kali kunga twaunka kutala, Mukwesu David, a kukkala okuya oko nkoba keenzya ng'ombe kwiinda mu lubaya lwa kusunzya, kutala mu malundu, ku basanina aa...kuzilekela kucela mu macelelo, i...aa cisaka. Kuciindi, masena abwizu bwakali kukomena kumusanza, masene abwizu musokwe. Mpawo bakali kutenda masena abwizu, akusanizya ng'ombe moonse i—moonse mu ciindi ca mapeyo, cindi nikwakali guwo pati lya caanda, kutala mu malundu.

⁵ Elyo kali kukkala alya acuuno akulangilila sikweembela kazileta ng'ombe ezyo mukati; alimwi mpulanzi aimwi, kumusanza, yakali kukonzya kujana taani ya cilyo cang'ombe.

Ikuti bakali kukonzya kujana mataani ali makumbi osanwe a cilyo cang'ombe, eco cakaamba kuti bakali kukonzya kubikka ng'ombe zili makumi osanwe. IKuti na bakali kukonzya kujana mataani ali cuula ca cilyo cang'ombe, tanga lijisi cuulu ca ng'ombe lyakali kukonzya kwiindamo. Muntu aumwi, ka bwezede cidindo aa ng'ombe zyakwe. Ba kalangilila zidindo, mubwini, mpulazi zyandeene, aboobo tiiba kakonzya kuzisanganya. Elyo mpawo cindi i . . .

⁶ Mulinguzi, takali kubikkila maanu maningi mu misyobo ya zidindo zyakali kwindamo, nkaambo kwakali misyobo yoonse ya zidindo. Pele kwakali cintu comwe nca kacita kulingula nconzyo, eyo yakali mpa ya bulowa. Zya keelede kulembwa kuba Hereford, nape nizya takainda mu mulyango. Ba kazijosya. Mwabona?

⁷ Elyo Ndi yeeya kuuti eyo nje nzila mbo ciya kuba ku Lubeta. Ta ukabi musyobo wa cidindo nco tujisi, pele citakuti impa ya Bulowa kiiliko. Eco nce cintu ciyo—ciyo oba amakani, impa ya Bulowa.

Elyo Ndili kkomene kapati kuba a Mukwesu David antoomwe andiswe.

⁸ Elyo Nda bona Mukwesu Estle Beeler wali kokuno kaindi buyo kasyoonto kainda. Nda mubona kabuka kusule kuya, kuzwa ku busena bumwi. Elyo bakutausi bamwi abo mbe tu yanda kumvwa kuzwa, sunumasiku. Elyo, mpawo, alimwi Ndi yeeyela kuti Mukwesu Ruddell a bamwi bayo njila, nkaambo bayo kkala mane aakatikamasiku.

⁹ Nekubaboobo, Mukwesu David takonzyi kukkala mane aakatikamasiku. Walo muntu uyandikana loko, kuli koonse. Elyo Mukwesu Rodgers mbwa kamvwiida kuti wakali okuno, baa, wa kali kuyanda kutumina akuba anguwe okuya aa teeni. Aboobo eco caamba kuti uya kuzwa okuno, ciindi cifwafwi loko, kuya okuya kumusanza mu Louisville.

¹⁰ Elyo Nda kayeeya kuti inga caba cibotu, ikuti na inga caba kabotu ku Mukwesu David, ikuti—ikuti na twa muyanda kusika akukanana eco cili ku moyo wakwe, kutu kambaukila, kucita kufumbwa eco Mwami ncabikka. Toonse tu yanda kumvwa Mukwesu David duPlessis, kuzwa ku South Africa.

¹¹ Anda ambe ceeci. Kuti, cindi Ne kali omuya, okuya mu Africa, mu muswaangano wangu mupati Mwami ngwa katupa okuya, munyina wakali mutoloki wangu, Mukwesu Justus. Ndila syoma kuti zina lyakwe ngu Mukwesu Justus. Elyo mukwasyi mubotu ncobeni wa bantu, mbakwesu aba bana duPlessis. Ndi yeeya kuti kuli . . . Nda yeeyela boonse mbakutausi, kuciimo mbuli Mbwe zyi, alimwi ndiza taata, awalo, oyo wakali mukutausi. Elyo bazwa ku mukwasyi mubotu wa bantu. Elyo Mukwesu David ulabweza zina pati akati ka mabungano a tubungwe toonse ku inyika yoonse.

¹² Elyo Mukwesu David, Ndi yanda kuti ukasika akuzo tukananina, na kufumbwa eco Leza ncabikka ku moyo wako kuti waambe. Boola ncobeni. Elyo Ndili kkomene loko kuzibya ku mbungano yangu, sunumasiku. Oyu Mukwesu Orman Neville, mweembeli wesu. Elyo ku mbungano, oyu nguumwi wa beenzuma bangu bayandisi, a—a basilumamba nyina mu mulimo wa Leza, Mukwesu David duPlessis waku South Africa. Leza aku longeze, Mukwesu David.

¹³ [Mukwesu David duPlessis ulakanana. Kabeela katakwecintu aa teepu—Mul.] . . . kwaambaula. Ameni. Toonse twa kacita. Mukwesu David, kobindaana kujoka ncobeni a kuba andiswe alubo. Eco cili kabotu loko. Tuli kkomene ncobeni.

¹⁴ Mukwesu David wakaamba zintu zimwi alya, Ni Nda kali jisi peeni yangu, ni Nda ka zilemba. Pele lyoonse Ndiyo yeeya “bazukulu balombe; bazukulu.”

¹⁵ Ee, tula lumba ncobeni kuswaya kwa mukwesu wesu. Elyo walo uli . . . wakali i . . . kuswaanganya ku Muswaangano wabaiminzi basyomi ba Pentekoste Inyika mbiizulwa, a muntu mulemu mu mundando wa mulimo wakwe moonse mu inyika yoonse. Elyo tu jisi zyoolwe, sunumasiku, zyakuba a Mukwesu David kuboola kukanana kuli ndiswe aa busiku bwa Mwaka Mupya. Alimwi inga mwabona eco bantu bapati ncoba yeeya kujatikizya Mwami wesu, kuyeeya makani amulanda Wakwe mupati.

¹⁶ Lino Nda syoma kuti, juunza, mukuba wa Mwaka Mupya, ngu maora buyo masyoonto eno. Alimwi Nda cita kuzwa cifumo maningi, aboobo Nda yeeya kuti inga Nda kanana asyoonto, ikuti na cili kabotu ku Mukwesu Neville. [Mukwesu Neville waamba, “Iyi. Ameni.”—Mul.] Mukwesu Beeler, a bakutausi bambi kuno. Ta tuko tola ciindi cinji. Elyo Ndi yeeya kuti, ikuti na inga twa amba “Ameni,” a kuya ku muunzi, uyooba mulumbe mubotu loko. Elyo inga twa lumba ku Mwami kuli ceeco nco tujisi okuno, sunumasiku.

¹⁷ Elyo lino, pele obu mukuba busiku bwa Mwaka Mupya, tu sangabalisa buyo umwi aumwi, kwiinda ku Bwami bwa Leza, kukambaula, kusikila kwasika ku Mwaka Mupya. Elyo Nde elede . . . kufuma kubuka, kuseeni loko, kulaale buzuba kabutana pasuka. Elyo Nseli mukubusyi mbuli David. Ndiza Ndi . . . Ambweni Nse limvwi kuba mukubusyi mbuli mbwa cita. Ngu i . . . Mubwini, David mupati aniini—aniini kwiinda Ndime. Ndi yeeya kuti ula myaka iili ciloba na lusele kukomena, ndiza kkumi. Pele walo muntu usuka mulilo wini wa Leza, kweenda mamaile ali zyuulu zili makumi osanwe mwaka uno, ku Bwami bwa Leza. Mu lweendo lwakwe lino kuya kukukambauka ku Mukwesu Rodgers, alimwi juunza kuba abamwi, kumwi kumbi, a kumwi kumbi, a kumwi kumbi, a kujoka okuno alubo mu

Muvulo. Elyo Nde elede kuyo swaanana anguwe ku kubamba macililanwa a lweendo lupati luboola lino lwanyika yonse.

¹⁸ Elyo tweeledede kuba mu Africa, Nda mvwa masikati aya, mu Miyoba, eyi—eyi Miyoba iboola. Nde elede kuswaanana a Clayton Sodomore, kuzwa ku Bantu Basimakwebo Banakristo ba Makanimabotu Aazwide, eyi mvwiki, na eyi mvwiki iboola, cibeela citaanzi ca njiyo, a kubamba kulibambila kwa Jamaica, ba Haiti. Nda unka mvwiki itobela mu Kentucky, na kumusanza mu Georgia, kuba a miswaangano okuya. Kujoka ncobeni akuselemukila mu Kentucky, busiku akuno, a busiku akuya, kujata aya mabungano. Elyo kujokela nkoonya ku muunzi kuzwa kokuya, a kuunka ku—ku—ku Dolopo lya Atlantic, ku kutalika aa 27, kwiinda muli ka 30, a kuzwa awo cifumo ca 1, a kutalika mu—mu Kingston, Jamaica, ku ra- . . . busena bwa mizundanino, busiku obo, ku muswaangano wa mazuba ali kkumi okuya. Elyo kuzwida awo, mukati mpawo kuli aku Haiti, a kuli koonse. Ta tuzyi busena bwakuya kuzwa awo, cita buyo mbuli Mwami mbwaya kutusololela.

¹⁹ Lino, boonse aba bali mukupangwa. Mwabona? Nse na amba kuti iyyi. David mpali ano, Clayt ula boola. Gordon, Mukwesu Gordon Lindsay ulaboola, ku South America. Elyo—elyo bamwi, Bantu Basimakwebo Banakristo ibaku America ikanana Cilatini. Elyo lwa Mukwesu David ndwaku Switserland, Germany, kuyabuya. Pele ta tuninga kuziba. Amu zumanane kupaila. Nse yandi kuunka kuli konse kusikila Leza wati koya, alimwi ku luzibo lwangu mbwe konzya. Nkikaako, ikuti na Nda limvwa kusololelwa kuunka, mpawo cindi Nda zwa mu ndeke, Ndi . . . Elyo tacikwe makani obo sinkondo mbwabede, inga Nda amba, “Nda boola mu Zina lya Mwami Jesu.”

²⁰ Nda kali lumbide kuli David, bulongwe obo mbo twa kajisi antoomwe, nkaambo muntu ngo muntu muyandisi maningi, pele walo—walo—walo usyoma ncobeni mulimo oyu wa Mwami. Ula cita ncobeni. Elyo—elyo mazina esu akaswaangene antoomwe moonse mu inyika mbiizulwa lino, Mukwesu David a Ndime.

²¹ Elyo Ndili kkomene loko kuba a nkamu ya bantu mbuli boobo. Pele, beenzuma, Nda lumba eco. Pele cintu cipati maningi eco nce Ndi konzya kuyeeya kuba antoomwe a Jesu Kristo, Mwana wa Leza, oyo Umwi mupati.

²² Lino, Mukwesu Neville a bamwi babo bano kanana mu ziindi zisyoonto, pele Ndi yanda kubala buyo cintucimwi ciniini kuzwa ku Lugwalo lino.

²³ Elyo ncibotu, Ndi yeeya kuti, aa busiku bwa Mwaka Mupya, kubona bakambausi bandeene, a nzila mbo baswena ku cibalo, a ceeco nco baamba, azimwi zimbi. Elyo muntu aumwi kajisi nzila yakwe mwini ya kukambauka. Nywebo mulizi, Leza taka tubamba bakozyenye toonse pe. Wa katubamba bwandeene. Wa katubamba bwandeene mu ziimo zyesu. Wa kabamba inyika

bwandeene, a malundu mapati, malundu maniini, mabanda abwizu, inkanda, malubaluba mapati aatuba, malubaluba aa bbulu, a misyobo yoonse yandeene. Walo utubamba buyo bwandeene. Kwa mana. Ula bamba bajisi masusu asubila kumutwe, a bamasusu asiya kumutwe, bamasusu asalaluka kumutwe, bamasusu atuba kumutwe; baneneede, bakotede, balamfu, oh, kufumbwa bamba. Mwabona? Walo buyo—Walo utubamba buyo bwandeene. Leza ngu Leza wa misyobo yandeene. Elyo Ndi baanga ndabotelwa eco. Sa mulacita? [Mbunga yaamba, “Ameni.”—Mul.] Pele cintu nciconya buyo ciindi coonse? Ma! Ma! Nda ciyanda eci.

²⁴ Aboobo atu jule lino mu Magwalo esu, omuya mu Bbuku lya Musalali Matayo, Makanimabotu aa Musalali Matayo, kutalikila a i. . . Elyo kampango ka 4, Ndi yanda kubala kwa i. . . atu bale cibalo, Mwami katu gwasya. Musalali Matayo, cipati ca 4.

Nda syoma, katutana kubala, atu kombe.

²⁵ Taata Siluzyalo Wakujulu, cili antomwe akulumba alubo ku myoyo kuti twa swena ku mwaka oyu mupya. Elyo twa swena kuli Nduwe a kuleta kuli Nduwe mapakasyo esu oonse akale, a kulomba kuti Uyo wabikka mu lwizi lwa kuluba, a kuyeeya zibi zyesu kuta tulwana limbi. Elyo akube kuti tu lingule buyo a buntu bwesu bwa kumuuya, pele muli kwesu. . . akube kuti tu lilingule luswaanano lwesu kuli Nduwe. Elyo kotujatila zibi zyesu zyoonse. Elyo twa lomba kuti Muuya Wako uyo tubeleka sunumasiku. Elyo ikuti na kuli cintu citasalali cili coonse kujatikizya ndiswe, Mwami, kocibweza kuciimo kujwe mbokuzwa kumbo. Ko ciwaala mu lwizi lwa kuluba, kuta ciyeeya kutu lwana limbi, kuti inga twa njila mu mwaka oyu mupya, kusalazigwa, kusanzigwa kwiinda ku Bulowa bwa Kabelele, a kulibambila.

²⁶ Akube kuti oyo 1960 ube mwaka mupati maningi oyo ngo twakasola Ku kubelekela. Kotupa ca kwindilila, cakuvulisya. Miswaangano eyi yoonse ili mu kusumpuka, Mwami, kuti tu yeeya zya Mukwesu duPlessis, a kuzunguluka inyika, mu Asia, a okuya mu Europe, a koonse—koonse. Mwami, acibe luyando Lwako a Nguzu Zyako ziyo sololela ku zintu ezi. Elyo ikuti na tweelede ku ciindi cili coonse kuzwa mu kazila Kako ka Buleza, akube kuti Muuya Uusalala ubikke cisinkila mu nzila a ku twiimika, Mwami, aku tujosya ku busena bweelede. Ko cipa.

²⁷ Longezya mbungano eyi niini, Mwami. Kutandila, myaka ili makumi otatwe munsu loko, Nda yeeyela, kwa kaima awa lino, mbuli ciibalusyo ca luzyalu lwa Leza, ku bantu babombe. Twa komba, Taata, kuti Uyo longezya Mukwesu Neville, mweembeli. Kolongezya mbungano yoonse. Longezya basyomesi, madaikona, basikusololela mu nyimbo, sipiano, a basimbungano boonse, umwi aumwi, bamayi ba kwiiya kwa Munsondo, kufumbwa zimbi. Mwami, akube kuti tu kakonzye

kukomena mwaka oyu mu luzyalo lwa Leza. Elyo akube kuti bumembala bwesu bukakomene kapati mu myeelwe, a—a luzyalo Lwako lunji, kuti, kwiinda eyi yakali mu myaka yakainda. Ko cipa, Taata.

²⁸ Lino kotugwasya mbuli mbo tuswena ku cibalo eci nco tulibambila kubala, Ijwi Lyako. Elyo Yebo luzutu, Mwami, konzya kupandulula nkabela twa komba kuti Uyo cipa kuli ndiswe, nkambo ka Bwami bwa Leza. Mu Zina Iya Jesu Kristo. Amen.

²⁹ Nda ambilizya buyo lino eco Nce sala ku cibalo kwa ziindi zisyoonto zicilila. Ci janwa mu Lugwalo awa, nkabela Njo cibala. Kwiitwa kwaco, Ndi yanda ku ciita boobu, “kuzwa ciindi eco.”

³⁰ Tii ndayeeya, Nda kaamba busiku bumwi, Nse kayeeyela kuti inda Nda selemuka, nkaambo kakuti kameneno kangu kakali kuya buyuma. Elyo mukaintu wangu wakati kuli ndime ijilo, na buzuba kabutana, waa kati, “Mpawo Ndi yeeyela kuti tamukainki kunselelo ku mbungano.”

³¹ Elyo Nda kati, “Oyandwa, Nse yeeyi boobo. Kameneno kangu kajisi zilonda zinji a kuyuma.”

³² Elyo mpawo, biyo busiku obo, cindi Nda kkala a kubweza Lugwalo, Nda katobezya Ceeci.

³³ Mukwesu Sothmann wakasika ambali. Wa kati, “Sa uyo unka ku mbungano juunza masiku?”

Nda kati, “Inzya. Njo bako.”

³⁴ Elyo Meda waka ndilanga koonse, nkabela waa kati, “Nse mumvwisyi.”

Nda kati, “Nse langili nduwe ku, wabona,” Nda kati, “na taakwe umwi umbi.”

³⁵ Taakwe umwi usololelwa ku Muuya wa Leza ukonzya kusola kumvwugwa.

³⁶ Mwami wesu, tiiba kakonzya ku Mu mvwisya. Wa kaboneka mbuli kuti Wa kaambaula nzila yomwe, miniti lyomwe; a nzila imbi, miniti limbi. Elyo kubusena bumwi bumbi Wa kali kwaambaula makani aa cintu cimwi cimbi. Ciindicimwi wakali Jesu kakanana, ziindi zimwi wakali Leza kaambaula. Nywebo mwabona? Nobaba basikwiiya bakati alya, ku mamanino, kati, “Bona, eno Yebo ukanana cantangalala. Lino twa mvwisya.” Mwabona?

³⁷ Elyo Jesu wakati, “Sena mula mvw-...Elyo mwasyoma lino?” Mwabona, kumane boobo.

³⁸ To konzyi buyo kucicita, nkaambo wasololelwa aa Muuya. Elyo utalika kucita cintucimwi, uyo jana ceeco, yebo wabona, uli...Leza uyanda ku kubelesya abusena bumwi. We elede kwiima *awa* a kuunka *awa*, kusololelwa buyo kwa Muuya. Balo

mbantu bagambya, basalesale abo bajisi buumi mbo muyanda kulisalazya kuli Leza.

³⁹ Elyo mpawo lyoonse Nda amba eci, “Ndiyo cita eci ikuti na Mwami wayanda.” Mwabona? Ikuti na Nda bamba cisyomezyo ku muntu uuli oonse, “Ndiyo cicita ikuti na Mwami wayanda.” Mwabona? Elyo nkikaako, mpawo, ikuti na taluli luyando lwa Mwami, Njo ba...Ndiyo kanana aa Mulumbe oyu ikuti na Mwami wayanda. Wa kali kukonzya kundipa kwitwa, moonya mu Mulumbe oyu, ku kotalika kuyaku California. Nda kali kunga ndabikka aambali zintu zyoonse a kotalika kuya ku California, canguzu mbuli mbo Ndi konzya kuunka.

⁴⁰ Elyo Ndi yanda kupona mbuli boobu. Nse yandi cintu kundi swaanganya kumusanza. Ta ndiyandi cintucimwi cipati ncobeni na cimbi, oko nkocitola madollar ali mamilioni, alimwi uyandika kujana mali manji boobu, a buzuba, a kundaangila ansi. Ndi yanda kuba, oko, cindi Leza aamba kuti, “Ndi yanda kuti uselemukile awa ku bantu aba. Kuli biyo bosanwe babo. Pele selemukila okuya, a kukkala okuya mane Nda kwaambila kuzwa.” Ndi yanda kuunka okuya. Nse jisi kusinikizigwa, buyo...alimwi ikuti na Ula ndiyanda kwiinka kumasena alandukwa lwizi.

⁴¹ Lino nceeci we, cazwaa kwaambwa buyo, kuya ku Germany, na ku—ku Africa. Alimwi mwanakazi simamilioni, aciindi nciconya Muuya niwa kacibikka kuli ndime kuya ku Africa waa kati, “Ndiyo gwasilizya lweendo a kubbadela koonse kwa ndulo.” Mwabona? Kwa mana. Nkaambonzi nce Nde elede kulibilika amakani amali a zintu, kakuli Taata wangu uli jisi zyoonse zyaco? Mwabona? Ula konzya buyo kukanana ku muntu oyu muvubi, na oyo muntu muvubi, na bantu aba, na bantu abo, nkabela taku yandiki kulibilika kuli ndime kujatikizya ncico. Mwabona? Leza ula cibamba conse ca ncico.

⁴² Mukwesu Roy, eyo nje nzila yakupona. Amu Mu leke buyo acimamela. Ncibotu loko.

⁴³ Lino atu jule mu Magwalo esu, ku cipati ca 4. Elyo atu talikile ku—ku kubala, kutandila kampango ka 12 ica cipati ca 4 ica Makanimabotu kweendelana ku Musalali Matayo.

Lino cindi Jesu na kali...Elyo lino cindi Jesu nakamvwa kuti Johane waka bikkwa mu ntolongo, wa kaunka ku Galilaya;

...zwa mu Nazareta, wa kasika akukkala mu Kapenaumu, oyo uli atala lya nkomwe ya lwizi, mu minyinda ya Zabuloni ku Nefitalimu:

Kutegwa ku zulile oko kwa kaambwa a Isaya musinsimi, kuteeti,

I cisi ca Zebuloni, a cisi ca Nefutalimu, kwiinda ku nzila ya lwizi, kwiindilila Jordano, Galilaya wa Bamasi;

I bantu baka kkede mu mudima bakabona mumuni mupati; elyo kuli baabo ba kkede mu zisi zya cimvule ca lufu mumuni wa pasuka.

Kuzwa kuciindi eciya Jesu wakatalika kukambauka, a kwaamba, Amweempwe: nkambo bwami bwa julu buli afwaafwi.

44 Ndi yanda kukanana aa ciiyo: *Elyo Kuzwa Kuciindi Eciya.* Nywebo mulizi, mbuli muntunsi, toonse tula yeeya zintu kuzwa ku ciindi cimwi. Cintu cili boobu-a-boobu caka citika, elyo kuzwa kuciindi eciya. Elyo lino, ziindi zinji, uyo swaana mudaala na mwanakazi mucembele, elyo bala botelwa kutondeka kusule ku ciindi cintucimwi nicaka citika, cakuti inga ba cigwala cakulibonya kabotu akuti, “Cakali ciindi eco.”

45 Lino, Ndi yeeyela kuti kuli ndiswe toonse awa, sunumasiku, kali kukonzya kwiita membala, kwiibaluka kwa zintu zimwi zyaka citika ku ciindi cimwi. Kuzwa ciindi eco, cintucimwi cakacinea. Cintu cili *boobu-a-boobu*, caka citika ku ciindi eco. Elyo kuzwa ciindi eco kuyabuya, cakali andeene. Alimwi ncintu cibotu cakuti inga twa konzya. Elyo zimwi zya ziibalusyo ezyo, zya zintu nzo tuyeeya, nzintu zyelele ezyo zyakacincwa. Alimwi kuli zintu zimwi ziteeleli kwiibalukwa.

46 Kupa mukozyanyo, ikuti na mwanakazi wa mpuwo mbyaabi, cakuti waa kati, “Kwakali ciindi ni Nda kali musimbi, mubotu, mululami waciimo cibotu. Elyo busiku bumwi, na busena bumwi, cintu cimwi cakacitika.” Elyo kuzwa ciindi eco, waa kali mu lweendo lulubide. Buumi bwakwe bwaka nyonganisigwa ku cibi, akusiya a mudima, alimwi citabiyo lubeta lumu lindila. Pele ula konzya kuyeeya, kuzwa ciindi eco cimwi, caka citika cindi nakatola mugwagwa ulubide.

47 I—i muntu mukolwi, sunumasiku, mu tugwagwa, oyo usola kunywa kugusya buusu bwakwe. Inga wamu bweza. Mbuli Mbwe kali kunselelo ku ng’anda niini awa, ciindi cimwi cakaindi, mu New York, busena bupati bwa bantu bakolwi. Nda kali kweenda a mukutausi umwi. Elyo mpaawo kwakalede muntu, oh, bantu buyo banji, batanyonganyi, batagwasiki, kabalede alya ampela zya zikobela zyabo kazitetede konse, a— a malezu abo konse ku masyu abo, nkabela bakali muciiimo ciyoosya. Alimwi tii bakali kunyonganya cakumaninina.

48 Elyo oyu mukutausi wakati, “Kobweza oyo umwi, a kumubuzya buyo.”

49 Elyo Nda kanka ku mwaalumi oyu wa kalede kabikkide cituta cakwe a bbampa ya mootokala, a mutwe wakwe kaulede mu kagwagwa, alimwi oko nkwa takali kukonzya ku—ku—ku unka ku ziindi, kuya ku zimbuzi. Oh, wa kali mu ciimo cibyaabi. Elyo Nda kamujata, nkabela Nda kati, “Sa inga waamba?” Elyo ta kali kubamba kuvuwa.

50 Aboobo mukutausi waka selemuka. Wa kazi kunji kujatikizya nzila ya kumubeleka. Elyo wa kamubuzya, “Ino nduwe ni?”

51 Elyo kumalekela wa kamusinsimuna kwini, mane wa kati, “Ikuti na ula nduulila bukoko!” Elyo kuboole kuziba kuti, wa kali kukonzya kutondeka munwe wakwe ku nkomwe eyo njakali kuba muleli wa cisi.

52 “Ee,” wa kati, “tuli bakambausi. Sa inga wandaambila eco cakacitika?”

“Ikuti na ulandi syomezya cakunywa!”

53 Ee, tii twa kakonzya kucita ceeco. Nda kati, “Nse konzyi kuyungizya buusu ku kuusa kwanu. Ndi yanda kumu gwasya.”

54 Konse kaano kakwe. Wa kasika ku muunzi, busiku bumwi, elyo kwakali ii, eco nca kaita kuti, ii “Uyandwa John” lugwalo atala i—i atala lya tafule. Mpawo, mukaintu wakwe wakali musiide. Elyo kajisi. . . Wa kamuyanda. Elyo wa katolede bana bakwe. Elyo wa kalekwa mu lukwatano, nkabela wa keenda a mwaalumi umbi. Elyo wa kati, “Nse zyi cakucita, kudubula boongo bwangu, na eco cakucita. Aboobo Nda—Nda kaselemukila ku bbiyaholo.” Elyo kuzwa ciindi eco, ngooyo mbwakabede. Nkukoonse ku nyika.

55 I mubeji. Inga wabweza omwe, mbuli Mbwe kaamba ku muntu, buzuba bumwi, oyo Ngwe kayeeya kuti wakali kwaamba kudana. Elyo kuboola kujana, kuti, wa kaamba bubeji bunji loko mane waka busyoma ncobeni, mwini. Elyo Nda kati, “Ncinzi cimubamba kucita ceeco?” Elyo Nda kakkala ansi kwaambaula a nguwe. Nda kati, “Ndi yanda ku mubuzya. Oto twaano tu taluleme loko ku bantu kusyoma.”

56 Wa kati, “I ntaanzi Nje konzya kusola kuyeeya kwaamba,” wa kati, “Nda kali mulombe muniini oyo waka komezegwa mu ng’anda mbotu.” Elyo wa kati, “Nda kaunka kuyo fweba misanga ya siluki kkoni, kuba buyo musongo. Elyo Nda kalya kkofi, kuti ndigwisye ku kuyoya kwangu.” Elyo wa kati, “Nda kacitica kusule lya cisukilo cabusi cakaindi, kunze lya ng’anda.” Elyo wa kati, “Nse kalubi pe, cindi baama niba kandi kwempa, a kwaamba kuli ndime kuti, ‘Mulombe, andi nunkizya kuyoya kwako.’ Elyo Nda kabbotola kuyoya kwangu mu busyu bwakwe, elyo waa kati, ‘Wa lya kkofi kugusya cintucimwi kuzwa ku kuyoya kwako. Ncinzi ncokali kucita? Sena wali kufweba misanga yatombwe?’”

57 Elyo wa kati, “Cintucimwi caka ndaambila ku mwaambila bwini.” Wa kati, “Pele Nda kati, ‘Peepe, baama. Nda nyonganya moyo wangu. Nse kali kufweba misanga yatombwe.’” Wa kati, “Elyo kuzwa ciindi eco, eco cakatalika.”

58 Tonse tula konzya kujana cintucimwi eco—eco cakatalikila a ciindi cimwi. Elyo kuzwida awo, zintu zya kacinca. Elyo kuli

zintu zimbi zyelele ezyo nzyo tukonzya kuyeeya. Bantu bajisi makanze mabotu ba sola kotalika zintu bupya, kucita zintu ku ciindi cimwi.

⁵⁹ Kupa mukozyanyo, cindi magesi nakasaanguna kujanwa a Benjamin Franklin, nkabela baka konzya ku cizunda. Ba katalika kwaamba kuti, “Kuzwa ciindi eci kuyabuya, taku kabi limbi nkondo. Nkaambo, kakuti, aya magesi inga abikwa mu lubaya, a vootagi mpati, mane taakwe muntu unga waakosola.” Ba kakanzila kabotu.

⁶⁰ Elyo kumane biyo Lumamba Lutaanzi Lwanyika yoonse, cindi—cindi Kaiser Wilhelm nakasaina cipangano ca lumumono. Twa kaambilwa okuno mu America. Nda kali mulombe wakali kutandila myaka ili fuka yakukomena. Pele inga Nda yeeya bantu boonse kabaamba, “Ta tukabi a lumamba lumbi. Kuzwa ciindi eci kuyabuya, ca sitikizigwa, kwalyoonse.” Pele twa kajisi lumamba lumbi.

⁶¹ Elyo cindi mpati U.N. Na, Inga ndati, kakutaninga kuba eyo, baka pangide yakali kutegwa League of Nation. Elyo ba kati, “Lino ta tukabi a lumamba lumbi, nkaambo tujisi Nsanganano ya Masi iyo langalanga inyika. Elyo ikuti na kuli kupapila ku busenabumwi, aba bantu bazwa mu cisi acimwi bayo unka okuya a kweendelezya inyika.” Pele ya kakilwa. Ba kazumanana ncobeni kuba a lumamba. Elyo U.N. uyooba cintu nciconya.

⁶² Twa kaambilwa lino ku kwaamba kumbele kuti juunza masiku na Munsondo masiku. . . Muntu nguonya wakasinsima zya Pearl Harbour, kuciindi nciconya kuti i—i ndeke zyakali kweelede kwiibbomba, kaamba, kuti, “Munsondo masiku aa twelufu okuloko, eyo cibeela ca bantu bali makumi aali ciloba aosanwe ica bana America ciyo njila mu itwe, kuti Russia iya kubbomba United States, omu Munsondo muboola aciindi ca twelufu okuloko.” Muntu nguonya wakaamba zya kusika kwa Pearl Harbor. Tabali mukwimwaya pe, nkaambo bantu bala pyopyongana. Nse cisyomi. Mwabona? Peepe. Nkaambo, taciconzyi kupengela nkondo ya atomiki. Imwi yabo ilaindilila saundi bbaria, nzila *eyi*, tuya kuwaala munzila *eyo*, alimwi inyika iya kuzapauka. Cintucimwi ceelede kucitika, nekubaboobo, Jesu katana boola. Mbo mbubo.

⁶³ Kupa mukozyanyo, banabukwetene bakubusyi bakakwatana. Kwakali ciindi cimwi eco nco baka kwatana. Elyo ba—ba bikka zikonke zyabo antoomwe. Alimwi bala syomezya cakusinziza, umwi kuli umbi, busyomesyi bwabo. Elyo ba kaamba, kuti, “Tuya kuyandana, kulemekana akubambana kabotu umwi aumwi, kufumbwa kuti tobile katupona.” Pele mpaawo kwakasika ciindi cakuti cintucimwi cakacitika.

⁶⁴ Zintu ezi zyoonse, kuli—kuli ciindi cintucimwi cacitika. Elyo ndiza zikonke zyabo zyonse, a zyonse nsanganano zya masi, abumwi bumbi, ndiza baka jisi bukanze bubotu, pele bonse

baboola ku magolelo. Boonse bala kulumbuka, kungsi lya i—i—i matende a muntu. A makanze mabotu oonse nge tukonzya kuba awo, pele boonse beelede kuboola ku mamanino.

⁶⁵ Pele kuli ciindi awo muntu mpa konzya kusika ku cintucimwi eco Citamani. Eco ncecindi, muntu, ciindi muntu naswaanganya Leza. Eco ncecindi cintucimwi nicicitika eco Citamani.

⁶⁶ Tula lubizya. Alimwi tu bamba zikonke aa busiku bwa Mwaka Mupya, ku zityola biyo buzuba buccilila. Tu jula mapeegi mapya, alimwi tupa zikonke. Elyo tuunka ku bapaizi alimwi. . . Ta tu, pele ba Katolika balacita. Elyo kubamba kulyaambilila, a kusaina zisyomezyo zisinizyo, alimwi tula sika ku cipaililo akujula mapeegi mapya, pele zyonse mubuyo. Nkambo, cind citobela muntuumwi wakunyonganya na cintucimwi, olo lunyemo lwakaindi lula futumuka kujoka alubo. Ciindi coonse twa njila mu penzi na cintucimwi, ciyo citika alubo.

⁶⁷ Pele kuli busena oko muntu nkwa konzya kusika, ku ciindi, eco ciyo mucinca kwalyonse, ku Butamani. “Oyo uboola kuli Ndime, Nse ka mutandi,” wakaamba Jesu. Ii muntu inga wasika kuli Leza, nkabela magolelo akwe oonse Aatamani acincwa. Elyo muntu inga waswaana Leza, nkabela ta konzyi kuba mbubonya limbi. To konzyi ku swaana Leza a kukkalilila muntu nguwenya mbo kabede. Ikuti na wa Mu futatila, uyooba muntu windide kubija kwinda mb kabede lyonse. Ikuti na wa Mu tambula, uli jisi Buumi Butamani, nkabela Uyo kubusya ku buzuba bwamamanino, kwiinda ku cisyomezyo Cakwe.

⁶⁸ Kwakali ciindi nikwa kali muntu wakali kutegwa Abrahamu, oyo wakaselemuka kuzwa mu bana Chaldea, nkabela wa kakkala mu muunzi wa Ur. Elyo wa kali muntu buyo, muntu mubotu. Antela, ndiza kwayanda wa. . .Bawisi ambweni bakali kukomba mituni, nkaambo ba kazwa ku Babuloni. Elyo wa kali muntu buyo uzizilwe, alimwi wakali kuya bukomena. Wa kali makumi ali ciloba aosanwe, nkabela mukaintu wakwe wakali makumi ali cisambomwe ayosanwe.

⁶⁹ Elyo Abrahamu, buzuba bumwi, cindi antela nakali mu muunda, kuvwima na kufumbwa nca kali kucita, kabwezelela mabberi, na kufumbwa ncito yakwe mboya kabede, wa kaswaana Leza. Elyo kuzwa kuciindi eciya, wa kacincwa. Wa kali kukonzya kwiita zintu ezyo zyatakaliko, mbuli kuti zyakaliko, nkaambo waka swaana Leza. Wa kaziba kaindi a oora naka swaana Leza. Kwa kamucinca. Elyo Leza waka mwiita kuba wisi wa masi manji. Elyo kasyoma Leza a kusyoma cisyomezyo Cakwe, nkaambo wa kaswaana Leza. Myaka ili makumi obilo ayosanwe yakainda, bakali kubandika, kusola ku mululamika, ku mwaambila kuti waka syoma cintucimwi caka lubide. Pele Bbaibbele lyakati, “Wa kali muyumu loko

ciindi coonse, kalumbaizya Leza.” Nkaambo, wa kalizi kuti Leza wakacita kubamba cisyomezyo.

⁷⁰ Eco nce ciindi muntu naswaana Leza. Cila cinca bupange bwakwe. Ci mupa gano liinda. Mbuli mbo Nda kali kukanana busiku bumwi, muntu wakunyama ujisi buyo magano osanwe. Pele, musyomi, cindi aswaana Leza, ula jana cintucimwi candeene. Ndi gano liinda limu sumpula atala zya zimvule. Li mubamba kusyoma zintu zita konzeki kucitika. Walo uci syoma kuti ziyo boola kucitika, nkaambo Leza wakaamba boobo. Cindi muntu aswaana Leza, cintucimwi cila citika.

⁷¹ Kwakali ciindi muntu naka yiisigwa mu busongo boonse, lwiiyo loonse lwa bukombi ilwa Ijwi lya Leza. Wa kali Li zyi ku lugwalo. Wa ka yiisigwa. Wa kali jisi madigrii onse. Wa kali musongo loko kusikila wakali kukonzya kuyiisya basicikolo bapati bana Egepita a bamaayi babo. Wa kali cizi coonse, ku lugwalo. Pele mukandu ancico, oyo wakali kucija, kainka kumbo lya lukula alimwi wakali kweembela mbelele lya mweenzu. Pele mpaawo kwa kaboola ciindi eco Leza naka muswaana okuya, mu citeo ciyaka. Elyo kuzwa ciindi eco kuyabuya, Musa waka cincwa, nkaambo wa kaswaana Leza mu citeo ciyaka. Elyo busyu ku busyu a Leza, ta kakonzya kuba limbi.

⁷² Cindi mwaalumi na mwanakazi...Ta ndikwe makani akuvula kwa zikonke nzobamba, a kuvula kwa mapeegi mapya ngo jula. Kusikila wa swaana Leza, to konzyi kucincwa. Pele cindi lomwe waswaana Leza, mpawo ula cincwa kwalyonse.

⁷³ Tee kwacinca biyo Musa. Kwa kacincia Israyeli. Kwa kacincia Egepita. Ca kacincia nyika ku ciindi eco, nkaambo muntu omwe waka swaana Leza a ku Mu bweza ku Ijwi Lyakwe.

⁷⁴ Eco nco tu yandikana sunu muntuumwi uuswaana Leza, busyu ku busyu, a kwaambaula kuli Nguwe, ciimo. Cindi bantu baswaangana Leza, zintu zila cincwa. Ncamasimpe. Eyo nje nzila ilikke njo tukonzya kuba a zintu.

⁷⁵ Elyo kuzwa ciindi eco kuyabuya, Musa mukandu, Musa oyo wakali kuzuza, waka cincwa. Elyo kuzwa ciindi eco, wa kaba mulanda wa Mwami. Lyoonse cila beleka mu nzila eyo. Cindi muntu aswaana Leza, zintu zila cincwa.

⁷⁶ Kwakali musimbi muniini ciindi cimwi, wakali kutandila myaka yakukomena ili kkumi alusele, na ndiza kuta komena boobo, oyo wakali mu lweendo lwakwe kuya ku mukalo cifumo cimwi, kuyo teka bbakete lya maanzi, kunselelo mu Nazareta. Waa kali musimbi muniini mubotu. Waa kasyoma. Waa kajisi lusyomo. Pele, cifumo eco, waa kaswaana Leza. Elyo Leza waka mwaambila cintucimwi, nkabela waa kacisyoma. Elyo cakacincia bweende boonse bwa buumi ku mwanakazi, a kumubamba kutafwika. Zina lyakwe wakali Maria, banyina ba Mwami wesu Jesu. I mulindu muniini wakali musimbi buyo muniini walyonse,

pele waa kaswaana Leza. Elyo kuzwa ciindi eco kuyabuya, cintucimwi cakacitika. Ncamasimpe.

⁷⁷ Kwakali muntu wa zina Iya Petro, muzeli mudaala ugalankene, antela wakali kugalankana buyo mbuli mbo bakali kukonzya kusika. Elyo antela wa kali sikutonta nconzyo sikutilimuna. Nkaambo, kuno ciindi cimwi cainda, Nda kabona musobano, uutegwa, “I Muzeli Mupati.” Nda kayeeya kuti bwakali bupanduluzi bubotu loko bwa Petro, nkaambo wakali mulombwana mudaala ugalankene. Ta kabikkila maanu ku cintu. Ta kasyoma cintu cili coonse. Pele, buzuba bumwi, wa kaswaana Leza. Elyo kuzwa kuciindi eciya, wa kacina. Kuzwa ku ciindi eco, wa kaba muapostolo wa Mwami Jesu Kristo.

⁷⁸ Mbuli Mukwesu David duPlessis mbwa kali ku twaambila kaindi kainda, kujatikizya Saulo waku Tarso, mujayi, oyo wakajata mabbaki a bajayi, kuti, akupa bumboni, akupa bumboni ku lufu lwa Stefano sikufwida buzumini. Wa kajisi magwalo mu nkomo zyakwe, akuunka kunselelo ku i–i malailile aa mabungano, a kujata bantu bakali kupanga coongo maningi, koongolola, a kulumbaizya Leza. Wa kali muntu mulemu mu meso aa ba Farisi. Wa kali mu Farisi wa ba Farisi. Pele, buzuba bumwi, wa kali mu lweendo lwakwe kuya ku Damasiko, elyo wa kaswaana Leza. Ii Mumuni wakamweka koonse kuli nguwe. Elyo kuzwa ciindi eco kuyabuya, ta kacili Saulo waku Tarso. Pele wa kali Paulo, umwi mubombe, umwi silubombo, nkaambo wa kaswaana Leza, elyo Wa kamucinca.

⁷⁹ Kwakali sicinsenda kalede ku mulyango. Koonse zibeela zya musamu tiizya kakonzya kumuponya. Zilonda zyakwe ziasama kakomena loko mane maanza akwe taka cili kunyamuka, limbi. Elyo matende akwe, ta kalikukonzya kwa kwela. Cilwazi cakwe cakanyina bulangizi. Pele wa kaswaana Leza, buzuba bumwi, kasika ku mulyango. Elyo wa kawida ansi akukomba, a kuti, “Ikuti na Ula konzya, inga Wa ndisalazya.”

⁸⁰ Elyo Wa kati, “Njo cita. Ko salala.” Elyo kuzwa ciindi eco, ta kacili jisi cinsenda limbi, nkaambo wa kaswaana Leza.

⁸¹ Kwakali muntu moofu kakkede kumbali Iya mugwagwa. Elyo ta kakonzya kubona mumuni wasikati kuzwa ku mudima. Kwakanyina cintu cakali kukonzya kumugwasya. Buzuba bumwi, Muntu umwi wa keenda kuzwa mu muunzi wa Jeriko, alimwi ciindi naka swaana Leza; alimwi kuzwa ku ciindi eco, wakali kukonzya kubona. Kukubona kwakwe kwaka boola kuli nguwe. I kubonekela kwa mumuni kwaka mwaika mu meso akwe, alimwi wa kali kukonzya kubona alubo. Nkaambo, kuzwa ciindi eco, cindi na kaswaana Jesu, wa kali muntu wandene. Wa kajisi kukubona kwakwe.

Cindi muntu aswaana Leza, cintucimwi cila citika nconzyo.

⁸² Kwakali mwaalumi mukubusyi, ciindi cimwi; kwiina kuzumbauzya, sicisi mubotu wa cisi, pele mabibo akaboola ali

aa nguwe. Elyo wakali muciiimo cibyaabi loko kusikila ng'anda ya ntolongo tii yaka konzya kumujata. Elyo baka mwaanga a nketani. Elyo wa kajisi legioni ya madaimona, muli nguwe, kusikila wakali kukonzya kutyola nketani a kuliangulula mwini. Elyo madaimona akamu bingila mu namaumbwe, kubusena kwa kakkala okuya. Elyo wakabweza cibwe a, kuba silunya loko, wa akali kuli tendaula. Oh, wa kali mulombwana uyoosya. Cindi ayo mabibo nakali kumusiya, kwiina kuzumbauzya wa kali kuyeeya kuti, "Ino Ndi cita nzi awa?" Elyo kutandila ciindi eco, madaimona akali kuboala kuli nguwe alubo, a kumutenda a ku muzapaula. Pele, buzuba bumwi, wa kaswaana Jesu. Elyo kuzwa kuciindi eciya, sikansondo waku Gadara wakaba a mizeezo iluleme, wakasama, kakkala ku matende Aakwe. Wa kali kukonzya kujokela ku muunzi, mbuli mulombwana mulome. Wa kali kukonzya kubweeda ku lusumpuko. Wa kali kukonzya kujokela ku bayandwa bakwe, a kukonzya kwaamba kuti, "Kuzwa kuciindi eciya, Nda cincwa." Iiyi.

⁸³ Bwakali buzuba bumwi, kulaale aa Kalivari, cindi Leza a lufu nizyaka swaangana, busyu ku busyu, cindi Buumi a lufu no zyaka boala antoomwe. Pele nce cindi Buumi, Kristo, nakagusya lumoola kuzwa ku lufu. Elyo kuzwida ciindi eco, lufu talu jisi lumoola muli ndulo. Ndili kkomene kapati kuli ceeco. Leza! Lufu a Leza zyaka swaangana, antoomwe. Lufu tii lwakali lomwe. Ta lukwe lumoola kuli ndulo lino. I musyomi Munakristo ulakonzya kweenda moonya mu busyu bwalo a kwaamba, "O lufu, luli kuli lumoola lwako? Cuumbwe, kulaali kuzunda kwako?" Nkaambonzi? Boonse baka swaana Leza. Tii bakali bamwi kuzwa ciindi eco.

⁸⁴ Taakwe muntu ukonzya kuciba mbubonya, kwiina cikonzya kuba mbubonya, cindi lomwe caswaana Leza. To kabi mbubonya.

⁸⁵ Nda konzya kuyeeya nkelede awa aabulo mu cibbadela. I madokotela bakandipa maminiti otatwe aakupona. Moyo wangu ulapengaana, ziindi zili kkumi aciloba ku kaindi kaniini. Nda kaswaana Leza. Kuzwida ciindi eco, Nse nabede mbubonya. Cintucimwi cacakitika kuli ndime. Taakwe muntu wakali kukonzya kundaambila lwandaano luli loonse. Bill Branham wakafwa. Nda kaswaana Leza, nkabela Cintucimwi caka njila muli ndime. Nse nabede mbubonya kuzwida kukaindi ako Ne ka Mu swaana. Wa kandi cinca. Wa kandi bamba kuba cintucimwi candeene. Tii cakali kubweza cikonke ca Mwaka Mupya, pele Nda kaswaana Leza.

⁸⁶ Baalumi a banakazi, cindi wa swaana Leza, wa cincwa. Tula bamba zikonke zyesu zya Mwaka Mupya sunumasiku; kujoka juunza kuseeni, ku zityola; buzuba buccilila, ku zityola. Pele eco nco tu yandikana kucita, tacili cikonke ca Mwaka Mupya, pele tu yandikana kusika busyu ku busyu a Leza, akuba a Buumi Butamani, kuzyalwa ku Muuya Wakwe.

⁸⁷ Wakali mudaala, ciindi cimwi, elyo ta kakonzya kubamba muzeezo wakwe. I dyabulosi waka zumanana ku muuma kuzwa kuli ncico. Buzuba bumwi, ku muunda, wa kafugama kuti apaile. Kuciindi na kali kupaila, wa keenzya kuselemukila ku cifumpu. Wa kati, “Akube kuti eci cibe ciibalusyo. Saatani, ikuti na ukasole kuboola kuli ndime alubo, Njo kutondekela mu kagodi oyu. Elyo Ndiyo mwaambila kuti mpoonya awa Nda kaswaana Leza, nkabela caka sitikizigwa kuzwida awa.” Eco nce ncico ncoyu yandikana, ndiza kutali cifumpu mu muunda, pele kumwi, kampetu kamwi, busena bumwi. Kutali ii . . .

⁸⁸ Oh, sunumasiku, kuyooba myaanda ya zikonke ziya kubwezegwa zibwezedwe, zyuulu zyazyo ziyakotolwa. Elyo mwaka uccilila tuyo yandika kuzibweza zyoonse, kuloolola alubo. Tuyo amba, “Tuyo leka kubeja. Tuyo leka kucita *ceeci*. Elyo tuyo bikka ambali lunyemo lwesu. Tuyo cita kunji kuli Leza. Tuyo cita *eci*, na *eco*, na *cimbi*,” biyo kujana, nca muli cabuyo.

⁸⁹ Pele eco muntu nca yanda kucita, sunumasiku, waboola ku busyu a busyu kuli Leza. Elyo kuzwida waawo, walo ncilenge cakacincwa. Aleluya! Oh, Ndi lombozya kuti ni Nda konzya ku caamba mu nzila eyo nje Ndi cisyoma. Pele cindi muntu aswaana Leza, wa kacinca, kuzwa ku miniti eelyo, mazuba akwe onse. Ta kabi mbubonya, nkaambo ujisi Buumi Butamani. Walo ncilenge cipya. Zintu ziyakaindi ziyakaloba, a zintu zyoonse zyaba zipya kuli nguwe. Ula boneka bupya.

⁹⁰ I muntu ucisidwe inga weenda ku busyu bwa Leza, cindi madokotela noba kati, “Uyo fwa.” Pele ula konzya kweenda ku busyu bwa Leza, a kukombelezeya kaambo kakwe. Elyo uyo zwa, muntu wandeene, a kuzwa kuciindi eco kuyabuya.

⁹¹ Oh, Nda yeeya Mwiiminizi wa mung’anda ya milawo Upshaw, kakkede mu wiluceya kwa myaka ili makumi ali cisambomwe acisambomwe. Busiku obo, kutala mu California, cindi Muuya Uusalala niwakaseluka, a kutalika kukanana, wa kaswaana Leza. Elyo kuzwida waawo, wa kali kukonzya kweenda kakutakwe ziyakweenzya.

⁹² Nda kabona ciindi awo bantu mpo bakakkede kabalidwe kkulenge, kakutakwe cintu pele cimvule. Elyo madokotela baka konzya kwiinda muni a kwaamba, “Ba kaunka.” Bayandwa babo bala bungana mukati, kwaamba majwi amamanino ayo ngo bakali kukonzya, kuli mbabo, kuyumizigwa. Pele baka swaana Leza, alimwi, kuzwa ciindi eco kuyabuya, ba kacinca. Ba kapona bwandeene.

⁹³ Nda konzya kubona mwanakazi musofwi, kulaale mu kagwagwa. Nda konzya kubona mukolwi, kulaale mu kazila kamanikide. Nda konzya kubona sikuupaupa, kulaale mu mbungano. Boonse abo bantu bandeene, aumwi Mwaka Mupya, kujula pepa lipya, akusola kucita cintucimwi candeene, kusola

kubamba kuboozya a kucita zimwi zimbi. Aba swaangane Leza, ciindi cimwi, elyo kuzwida waawo.

⁹⁴ Jesu waka kambauka kuli baabo kuzwida waawo, abo baka kkede mu zisi zya cimvule ca lufu.

⁹⁵ Elyo Nda amba, sunumasiku, ikuti na muntu uyanda kucinca kwini ku boola ali nguwe, amu muleke aboole ku busyu a busyu kuli Leza, aku Mu swaana ciindi cimwi, mpawo ula konzya kwaamba, “Kuzwida waawo, kuzwa ciindi eco kuyabuya, Nda kali muntu uucincidwe. Ndi lizi ku luzibo.”

⁹⁶ Mu kaindi kaniini, mbungano inobungana awa kuzunguluka cipaililo. Uyo salazya maumi ako, cabupya. Uyo pa zintu, a kubikka zintu aa cipaililo. Mukwesu, andi mupe kukulwaizya kumwi. Ikuti na tona swaana Leza, busyu ku busyu, andi mwaambile cintucimwi. Amu kkale aa cipaililo eco. Amukkale buyo awo kusikila muka swaangane Leza, mpawo inga mwa tondeka munwe wanu kujoka kuli ceeco busiku bwa Mwaka Mupya. Kutali, a kwaamba, “Nda kavununa peegi lipya. Nda kapanga cikonke cipya.” Pele, “Kuzwa ciindi eco kuyabuya, Nda kaswaana Leza. Elyo buumi bwakacincwa, a zintu zyakali andeene. Elyo zintuzyonse ziba zipya, kuli ndime, alubo, kuzwa kuciindi eciya,” ciindi noka swaangana Leza.

⁹⁷ Ta kuli, swaana Mwaka Mupya. Tuyo cilanganya, mu maminiti masyoonto, kwinde kaindi, kutandila maora obilo acisela, Nda yeeyela, ndiza mace kwinda ayo, tu noswaana Mwaka Mupay, busyu ku busyu. Tula uswaana zikonke. Tula uswaana a zisyomezyo zisinizizye. Tula uswaana a makanze mabotu. Tuyo ciswaana, kwaamba, “Tuyo sola kujula peeji lipya. Tuyo sola kucita bwandeene.” Eco cili kabotu coonse. Nda lumba eco.

⁹⁸ Pele mukwesu, taku kabi Uutamani kusikila uka swaangane Leza, lutaanzi. Cindi wa swaana Leza, lutaanzi, alimwi, kuzwida waawo, zintuzyonse ziyo indana.

Atu kombe cindi notu kotamika mitwe yesu.

⁹⁹ Mwami Jesu, Mwana wa Leza, Nda yeeya ciindi ni Nda ka Ku swaana, Mwami. Nda yeeya, mupenzi usampaukide, upona buumi bubotu bwa kulilemeka, kutali kuzuzaanina koonse, kunywa, na kuuma njuka, na kufweba, na zimwi zimbi. Pele Nda kalizi, Mwami, cindi lufu lwasika kubba mu kaanda ako ka cibbadela, myaka imwi iili makumi oobile yakainda, kwakali cintucimwi caka bulide mu buumi bwangu. Aalya Nda kaswaana Leza, alimwi kuzwa kuciindi eciya. Kuzwa kuciindi eciya, Mami, Nda kasola ku Kubelekela. Buumi bwangu bwa kacinca a zintuzyonse kuboneka bwandeene. Ndili kkomene kapati kuti Nda kakuswaana, Mwami. Elyo sunumasiku, kulangaula Mwaka Mupya, Ndili kkomene kwaamba kuti inga Nda cilanganya a Muuya wa Leza muumi mu moyo wangu.

¹⁰⁰ Kotupa luzibo, Mwami. Kotupa bubotu a luse Lwako. Kotu jatila zibi zyesu. Elyo atu pone kwiinda mu mwaka oyu uboola, O Mwami Leza, a luzibo, kuti twa Ku swaana a maumi esu akacinwa. Ko cipa, Mwami. Kotujatila tumpenda twesu. Bikka mukati kesu Muuya Uusalala Wako. Ko tusololela a ku tweenzya.

¹⁰¹ Taata Leza, njeeyi 1960, kiindi langanya. Alimwi kuli zyoolwe zya muswaangano wanyika mbiizulwa, oko kulibonya kuti noziba zyuulu zili kkumi taimuzi zyuulu, a zyuulu a zyuulu zya bahedeni bakwange, zya bapagani, a zimwi zimbi, inga zyaboola kuli Nduwe. O Mwami Leza, a Muuya Wako mu moyo wangu, Nda langanya cipaililo Cako, sunumasiku, aku Ku langanya, akuti, “Kondi gwasya, O Leza. Moyo wangu uli mukupya a busungu. Nda Ku yanda, Mwami. Nda lipa lwangu kuli Nduwe, mu mulimo. Kondi sololela kuli koonse Nko yanda kundi sololela. Kondi tuma kuli koonse Nko yanda kundi tuma, Mwami. Koamba buyo, nkabela Njo unka.”

¹⁰² Longezya mbungano yangu. Longezya Mukwesu Neville. Longezya bantu boonse okuno, beenzu mu milyango yesu. Elyo beembezi aba bano kanana, ciindi a ciindi, kuyabuya mu mangolezya, Nda komba, Leza, kuti Uyo longezya mulimo wabo. Longezya Mukwesu Neville. Longezya Mukwesu Junie Jackson. Mukwesu Beeler, boonse aba bakutausi bambi, ba longezye, Taata. Kotupa mwaka mupati mu 1960.

¹⁰³ Swebo, Mwami, abo bazi kuti twa kaswaana Nduwe, busyu ku busyu, a kuziba eco nco caamba kuzyalululwa kwa Muuya Wako, kotupa luzyalo Lwako Lutamani, lwa kubelekela Nduwe. Mu Zina lya Jesu twa lomba. Ameni.

¹⁰⁴ Mula Mu yanda? [Mbunga yaamba, “Ameni.”—Mul.] 1960muta cilekeli kuba, kuti, “Nda kavununa peegi lipya.” Muta cilekeli kuba, kuti, “Ndi sola kutalika buumi bupya.” Pele acibe, kuti, “Nda kaswaana Leza, a kuzwa ciindi eco, kuteeti ciindi aa, Nda kajisi luumuno olo lwiinda kumvwisya. Nda kajisi lutangalo lutaambiki, a kuzula bulemu. Nda kajisi kukkutila. Nokubakuti lufu lweelela kundi sikila, Njo oba mu maboko a Leza, kaindi kaniini kwaakumana kukwelwa kuyoya kwangu kwa mamanino. Takukwe makani eco ciboola na ciinka!”

¹⁰⁵ Aba ulizye, masiku Munsondo, ikuti na bala yanda. Bala yanda, bbomba kali tanamana kubbotoka tu nooli mu Bulemu a Nguwe. Ameni. Taakwe cintu cikonzya kutu nyonganya. Aleluya!

¹⁰⁶ Ndili kkomene kapati kuti Nda kaswaana Leza. Ndili kkomene loko kuti inga Nda ti, “Kuzwa ku ciindi eco.” Cisyantikizye ku kasena ako! “Cindi Ne kaswaana Leza, cintucimwi cakandi citikila. Nda kacincwa, kuzwa kukainda ako. Nda kacincwa, kuzwida eelyo.” Ndili kkomene kapati kuba mu lweendo olu, sunumasiku, mbuli bumboni ku Bulemu a Nguzu zya Leza. Ii cintucimwi ciniini cakaindi awa, elyo Leza

wakaselukila awo a kundipa luzyalo Lwakwe, a kundi futula, akundi ponya, aku ndizuzya Muuya Wakwe. Elyo andi kambauke Makanimabotu Akwe, ali ndu lemeko lupati luliko mu inyika. Kuzwida kuciindi eciya, kusikila ciindi ecino, Nse naba akuusa kumwi. Pele Nda lumba, mazuba aya oonse, alimwi kuyooba, kwiinda mu Butamani boonse, kuti Nda kaswaana Leza.

Leza aku longeze. Ncibotu, Mukwesu Neville. 

59-1231 Elyo Kuzwa Kuciindi Eciya
Branham Tabernacle
Jeffersonville, Indiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org